


[www.BibleForChildren.org](http://www.BibleForChildren.org)

# Mõhtülühähtûsa 1



A tite ka 'Bakuli puse  
kùli ande nzali.



Nzali ka pur kægìr d̀àng, nda kam  
anggo d̀ulkəm. Pəndəa gir mur mùr  
məlime. Sə Bangno mala  
Bakuli ka camarə  
gādi amur mùr.



Sə Ɓakuli na ama, <<Ɓè tǎlaban puse rəi.>> Pələa tǎlaban puro. Ɓakuli tunə tǎlaban ama, <<pwari>> sə pəndəa ka tunəi ama, <<dù.>> Pwari kya kpa, sə ban yi kwaro; mənə nda nongŋo mədəmbe.



Sə ʔakuli bang ama, <<ʔè nreban gau mùr mana a kùli andə mana a nzali ka.>> ʔakuli tunə mən̩ia yì nreban ngga ama, <<bumkuli.>> Pwari kya kpa, sə ban yi kwaro; mən̩o nda ʔaria nongŋo.




Ɓakuli na ama, <<Ɓè mùr mənana abata bumkuli ka,  
dapi a banbwáná, sə bə nza sa.>> Anggo sə pa. Ɓakuli  
tunə nza ama, <<kwàrban>> sə ramba mala mùr ka  
tunəi ama, <<nggeamùr.>> Ɓakuli səni ka boaro.



Bakuli na ama, <<Bè nzali pusə agirpwala: abondo  
andə mbúgir mənana à nè pusə məsəia ka, andə  
anggun mənana à nè pusə bəlea nə  
aməsəia abaləia ka.>>



<<Koməyenani le ka bə pusə ulang male yì beali.>>  
Anggo sə pa. Pwari kya kpa, sə ban yi kwaro; mənə  
nda təruià nongŋo.




Nda Ɓakuli pàk atǎlaban mǎgulke ɓari. Mǎgule mala ɓi,  
yì pwari ka, ɓè kè tá nè pwari, sè mǎkyauwe,  
yì zongɲo ka, ɓè kè tá nè du. Ɓakuli  
nyar ɗem ngga puse anlero.  
Pwari kya kpa, sè ban yi kwaro.  
Mèno nda inea nongɲo.



Bakuli na ama, <<Bè mùr  
lùmşə nə anji andə acili agir  
məyiləmui mənana a mùr ka.  
Bè bumkuli lùmşə nə koya  
ulang nyal.>> Pwari kya kpa,  
şə ban yi kwaro; mənə ka nda  
tongnoia nongno.




Ɓakuli nyare na ama, <<Ɓè nzali pusə koya ulang gír mənana nəyiləmu ka: agirkusəu andə agir-nzali mənana à kə púrėki nə múrbumia a nzali ka, andə koya ulang nyam-bondo andə nyam-bala.>> Anggo sə pa.



Pələa Bakuli na ama, <<Bè səm pàk bwapəndəa bə pa  
kəla səm, bə pur səm, ace mənana bə yálmúr anji  
mənana aba nggeamúr, andə anyal mənana a bumkuli  
ka, agir-nzali andə agirkusəu mənana kat à kə gāli a  
nzəm-nzali, andə banza kat,  
andə agir-yiləmu mənana kat  
à kə pūrəki nə múrbumia a nzali  
ka.>> Bakuli sən gír mənana  
pè kat ka, boar kèrkér.  
Pwari kya kpa, sə ban yi  
kwaro; mənə nda  
tongno-nong-mwashatia  
nongjo.




Mətalabangno ʔakuli tsək ɓwabura man a ɓaban mala  
anggun a Iden, ɓè kə paktúró abaləi, sə ɓè kə yállí.



Mətalabangno Bakuli  
nunkiri yì bwabura ama,  
<<A earénò ama wu li  
bəla koya nggun a  
mənia yì baban mala  
anggun ngga. Səama  
kəa na ama awu nə li  
bəlanguun mala pà sələe  
mala gìr məboarne andə  
məbane dàng. A pwari  
mana a li ka, bafo,  
awu nə wŭ.>>



Ɓwabura man tsəki agirkusəu  
kat lulləu: anyal mənana kat à  
kə yal a bumkuli, andə  
anyam-bala kat, andə  
anyam-bondo kat. Sə male yì  
bwabura ka, à kumbi wi kə  
gbasha mənana karə arəi ka  
dàng.



Pələa Mətalabangno Bakuli tsək bwabura bə koa  
nggea ntulo məlime. Ndarə nong ntulo ka,  
Mətalabangno Bakuli pusə mu nkanggari bwabure  
mwashat sə lúmsə banì nə nyama.

Pələa Mətalabangno Bakuli  
pak bwama nə mənia yì mu  
pusəi a nkanggari  
bwabura ka, sə  
yinəi aban bwaburè.



Nda gír mana tsəa sə bwabura nə deki  
tárrí andə ngge, sə nə lanzəa arə  
mā mí, sə yia kəm ngga à duməna  
nyama mwashat.



Bakuli ka earce banza kèrkér, sè yi  
pâ kè Muna male mwashat ace  
mənana bwa mana kat pà bamúri a  
baní ka bè kəa kídíkì bè uebà dàng,  
bè kum yiləmu mənana málá  
male pà kàm raka.



Amə Roma 3:23 Acemənanana koyan ngga pànggèná  
caubikea, səm kat ka səm gattì doboarbwa mala ʔakuli.

Amə Roma 6:23 Tangnakusə caubikea ka, lú na, sə boro  
mala ʔakuli ka, nda yiləmu mənana málá male pà kàm  
raka, nə bu Kərəsti Yesu Mətala səm.

Amə Ibəru 9:27 Sə kəla mənana à tsənggèná ama bwa nè  
wu kusə mwashat, sə anzəm man ngga nè came a  
badəm bashi ka,

Amə Afisu 2:8,9 ʔwamuru mala ʔakuli nda amsə wun  
ngga, nə pabamuru ma'wun a baní. Mənia ka, pə ma'wun  
na dāng, boro mala ʔakuli na, pà ace atúró dāng, ace mani  
ka, kəbwa bə kəa nggori dāng.



Amə Roma 10:9,10 Ɓè awu nè bang nè kúno ama, <<Yesu ka Mətalabangno na,>> sə a nè earnəi nè məsəcau a babumo ama Ɓakuli loasəi a bembə ka, a nè kum amsəban. Acemənana nè babum sə bwa nè eare nè pà bamúri aban Kərəsti, sə aba pǝ anggo ka Ɓakuli angnəni mə'cauboarna na; sə dəm ngga nè kûn sə bwa nè bang pabamuru male aban Kərəsti, sə aba pǝ anggo ka kuməna amsəban.

Yohana 3:16,17 <<Ɓakuli ka earce banza kèrkér, sə yi pà kè Muna male mwashat ace mənana bwa mana kat pà bamúri a baní ka bə kəa kidi kidi bə uebà dāng, bə kum yiləmu mənana málá male pà kəm raka. Ɓakuli tasə Muni bə yì bashì banza dāng, tasəi bə yì amsə banza.>>



# Genesis 1-2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: Bob Davies; Tammy S.

Mbula Bwazza Bible (mbu) ©2022 The Seed Company

<https://www.bible.com/en-GB/bible/4399/GEN.1.MBU>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

